

姑蘇公初開府舊治也。望夫差之臺而始哭公焉。又後四年而哭之于越臺。又後五年及今而哭于子陵之臺。先是一日與友人甲乙若丙約。越宿而集。午雨未止。買榜江溪。登岸謁子陵祠。鰓池旁僧舍。毀垣枯甃。如入墟墓。還與榜人治祭具。須臾雨止。登西臺。設主于荒亭。隅再拜跪伏。祝畢。號而慟者三。復再拜起。又念余弱冠時。往來必謁拜祠下。其始至也。侍先君焉。今余且老。江山人物。嗟焉若失。復東望泣拜不已。有雲從南來。滄浪滄鬱。氣薄林木。若相助以悲者。乃以竹如意擊石作楚歌。招之曰。魂朝往兮何極。暮來歸兮關水黑。化為朱鳥兮。有味焉。食歌闋。竹石俱碎。于是相向感喟。復登東臺。撫蒼石。還憩于榜中。榜人始驚余哭云。適有選舟之過也。盍移諸。遂移榜中流。舉酒相屬。各為詩以寄所思。薄暮雪作。風凜不可留。登岸宿乙家。夜復賦詩懷古。明日益風雪。別甲于江。余與丙獨歸。行三十里。又越宿。乃至其後甲以書及別詩來。言是日風帆怒駛。逾久而後濟。既濟。疑有神陰相。以著茲游之偉。余曰。嗚呼。阮步兵死。空山無哭聲。且千年矣。若神之助。固不可知。然茲游亦良。

偉。其為文詞。因以達意。亦誠可悲矣。余嘗欲做太史公著季漢月表。如秦楚之際。令人不有知余心。後之人必有知余者。于此宜得書。故紀之以附季漢事。後先君登臺後二十六年也。先君諱某字某。登臺之歲在乙丑云。

北夢瑣言
孫光憲

皮日休
咸通中進士皮日休。上書兩通。其請以孟子為學科。其略云。臣聞聖人之道。不過乎經。經之降者。不過乎史。史之降者。不過乎子。子不異道者。孟子也。捨是而諸子必斥乎經。史聖人之賊也。文多不載。請廢莊列之書。以孟子為主。不能通其義者。科選請同明經。其二請以韓愈配饗太學。其略曰。臣聞聖人之道。不過乎求用于生。前則一時可知也。用于死後。則萬世可知也。又云。孟子荀卿翼輔孔道。以至于文中子。文中子之道曠矣。能嗣其美者。其唯韓愈乎。日休字襲美。襄陽竟陵人。幼攻文。隱于鹿門山。號醉吟先生。初至場中。禮部侍郎鄭愚以其貌不揚。戲之曰。子之才學甚富。其如一日何。對曰。侍郎不可以一日而廢。三日謂不以人廢言也。舉子咸推。

伏之官至國子博士。寓蘇州。與陸龜蒙為文友。著文數十卷。皮子三卷。人多傳之。為錢鏐判官。

畢誠

畢誠家本寒微。咸通初。其舅尚為太湖縣伍伯。誠深恥之。常使人諷令解役為除官。反復數四。竟不從命。乃特除選人。楊載為太湖令。誠延之相第。囑之為舅除其猥籍。津送入京。楊令到任。具達誠意。伍伯曰。某賤人也。豈有外甥為宰相耶。楊堅勉之。乃曰。某每歲秋夏。恒相享六十千事例。苟無敗缺。終身優足。不審相公欲除何官耶。楊乃具以聞。誠亦然其說。竟不奪其志也。王蜀僞相庾傳素。與其從弟凝績。會宰蜀州。唐興縣。郎吏有楊會者。微有才行。庾氏昆弟念之。洎迭秉蜀政。欲為楊會除馬長。以酌之會曰。某之吏役。遠近皆知。忝冒為官。寧掩人口。豈可將數千家供侍。而博一虛名。馬長乎。後雖假職名。止除檢校官。竟不捨縣役矣。

章薛輕高氏

江陵高季昌。唐末為荆南留後。時宰相章說鄭珏。舅甥姻婭也。朱梁太祖時。皆得制方面。高氏以貴公子任行。

軍司常以歌筵酒饌。款待數公。日常宴聚。求取無恒。皆優待之。後莊宗過河。奄有中原。天下震懼。高王單騎入觀。章鄭二公繼登台席。中朝士族子弟。多不達時變。復存舊態。薛澤除補闕。章荆除春秋博士。皆賜緋。咸有德色。匆匆辦裝。即俟歸朝。視行軍。蔑如也。李載仁章說之甥。除祕書郎。劉詵鄭珏之妹夫也。除毛詩博士。賜緋。爾後章屢督李入京。高氏欲津置之。載仁遷延。自以先德遺戒。不欲依舅氏。但不能顯言。竟不離高氏門館。劉詵無他才望。嗜酒。口受新命。殊無行意。日子高氏情敬不衰。然則美醞肥瘠之所引也。無何以疾終。高氏膽給孤遺。頗亦周至。未聞洛下有變。明宗入統南方。強侯人要姑息。章鄭二相皆罷去。章薛尚踰荆楚。明年保最嗣。襲辟李為掌記。他日錄其長息為子壻。第三子皆奏官。一門朱紫。譁如也。劉詵三子迭加任遇。三孫女適高氏子弟。向三十年。享其祿食。亦足稱也。章荆州幕而卒。薛澤攝宰而終。豈自撥乎。亦命也夫。

嚴遵美

唐左軍容使嚴遵美。閩官中仁人也。嘗言北司為供奉。